



UNIVERSITÄTS-
BIBLIOTHEK
PADERBORN

**Enchiridion Piarvm Meditationvm In Omnes Dominicas,
Sanctorvm Festa, Christi passionem, & cætera**

Busaeus, Johannes

Mogvntiæ, M. DCVI.

8. De frequentanda communione.

[urn:nbn:de:hbz:466:1-70978](https://nbn-resolving.org/urn:nbn:de:hbz:466:1-70978)

ei miseras tuas, inferuendi ei desidera, & pete, vt domum tuam optimis virtutib. exornet, gratiamq; largiatur, vt diem illum in omni pietate transigere valeas, ne facile calor deuotionis pereat.

MEDITATIO VIII.

De frequentanda communione.

CONSIDERA, in Ecclesia primitiua quæ ab Apostolis gubernabatur frequenter, imò quotidie communicatū esse. à qua frequentia omnem sanctitatem & ardorē spiritus eius Ecclesiæ manasse certum est. Cōstat enim, quo vsus ille postea magis elanguit, hoc sanctitatem populi Christiani plus imminutam. Vnde & hoc seculo, quo multis in locis vsus ille est restitutus, videmus quoque pristinam reflorescere pietatem & ardorem, Ecclesiamque multis nouis sodalitatibus & religionibus augeri.

Considera, cum hoc sacramentum sit animæ cibus, quo ipsa in vita spiritali alitur & roboratur, manifestè cōsequi, quo sæpius hoc cibo alitur, robustiorem & perfectiorem in vita spiritali reddi. Adde, quod sub specie panis & vini Christus id instituerit, vt indicaret nos eo sæpius vti debe-

debere; nam vt panis communis sapius
comestus vitam conseruat temporalem,
sic ille spiritualē. Vnde & S. Patres in do-
minica oratione, per *panem quotidianum*
intelligunt S. Eucharistiam. Sciantem ra-
tō sumitur, inquit Ambrosius, quomodo
est quotidianus? 2. expende, cum hoc sa-
cramentum sit omnis perfectionis & san-
ctitatis fons, suosque salutare effectus
omnibus dignè communicantibus som-
municet. certum esse, quo quis commu-
nicat crebrius, hoc amplius eorum effe-
ctuum participem reddi.

3. Considera, cum inter beneficia
Christi maxima sit eius passio, nostraque
redemptio, nulla re nos magis ingrati ani-
mi notam effugere, quam crebra com-
munionē, quia hac secundum institutio-
nem Christi illius renouatur memoria.

10a. 6. Dixit enim, *Hoc facite in meam*, id est,
in meæ passionis *commemorationem*, & per-
pende quod Christus se desideret à nobis
recipi, & proposita promissioe, quod re-
lit manere in nobis, & vitam æternā do-
nare, ad recipiendum inuitet: non potest
igitur fieri, vt verè amemus Christum, vel
desiderio teneamur cum illo manendi, si
non recipiamus eum sæpius.

MEDI.